



*Ministry of Civil Affairs*

Broj: 05-16-1-244 /19

Datum: 01.02.2019. godine

Na osnovu člana 63. stav (1) Zakona o upravi („Službeni glasnik BiH“, br. 32/02 i 102/09), čl. 10. i 18. stav (1) Zakona o javnim nabavkama Bosne i Hercegovine („Službeni glasnik BiH“, broj 39/14), ministar civilnih poslova BiH, donio je

**Odluku o pokretanju postupka javne nabavke koji je izuzet od primjene odredbi Zakona o javnim nabavkama i dodjeli ugovora izabranom ponuđaču**

**Član 1.**

**(Predmet Odluke)**

- (1) Odobrava se pokretanje postupka zakupa poslovnih prostorija za potrebe uposlenika Jedinice za internu reviziju, u ukupnoj površini do 75m<sup>2</sup>.
- (2) Postupak javne nabavke iz stava (1) ovog člana, je u skladu sa članom 10. stav (1) tačka e) Zakona o javnim nabavkama izuzet od primjene odredbi zakona, jer je riječ o zakupu nepokretne imovine.

**Član 2.**

**(Cijena zakupa)**

- (1) Utvrđuje se cijena zakupa u iznosu od 19,00 KM/m<sup>2</sup> bez PDV-a, odnosno 22,23 KM/m<sup>2</sup> sa PDV-om, prema ponudi T-Panorama d.o.o, za prostor ukupne veličine 75m<sup>2</sup>. Ukupna mjesečna zakupnina iznosi 1.425,00 KM bez PDV-a, odnosno 1.667,25 KM sa PDV-om.
- (2) Ukupna godišnja zakupnina iznosi 17.100,00 KM bez PDV-a odnosno 20.007,00KM sa PDV-om.
- (3) Sredstva za ovu namjenu su osigurana na poziciji tekućih izdataka Ministarstva.

**Član 3.**

**(Izabrani ponuđač)**

Ugovor za zakup poslovnih prostorija dodjeljuje se ponuđaču T-Panorama d.o.o.

**Član 4.**

**(Stupanje na snagu)**

Ova odluka stupa na snagu danom donošenja.

**O b r a z l o ž e n j e**

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi koja obavezno sadrži: zakonski osnov za provođenje postupka javne nabavke, predmet javne nabavke, procijenjenu vrijednost javne nabavke, podatke o izvoru – načinu finansiranja, vrstu postupka javne nabavke, dok je stavom (2) istog člana propisano da u slučaju izuzeća

od primjene iz člana 10. ovog zakona ili za dodjelu ugovora o nabavci usluga iz Aneksa II. Dio B, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10. stav (1) Zakona o javnim nabavkama, propisana su izuzeća od primjene odredbi ovog zakona, te je u članu 10. stav (1) tački e) propisano izuzeće za ugovore o kupoprodaji ili zakupu nepokretne imovine.

Kako je predmet ove nabavke zakup poslovnih prostorija, utvrđeno je da su ispunjeni uslovi, iz člana 18. stav (2) a u vezi sa članom 10. stav (1) tačka e) Zakona o javnim nabavkama kojim su propisana izuzeća od primjene odredbi ovog zakona, te je utvrđeno da su ispunjene pretpostavke za donošenje predmetne odluke.

U cilju najefikasnijeg korištenja javnih sredstava, ponuda ponuđača T-Panorama d.o.o. se odabire kao ponuda koja ispunjava sve postavljene uvjete, a ujedno je i najniža ponuda u predmetnom postupku. Ovaj ugovor zaključiće se na period od 3 godine sa mogućnošću produženja i dopune pojedinih odredbi aneksom ugovora po uvjetima koje dogovore ugovorne strane.

Na osnovu navedenog odlučeno je kao u dispozitivu ove odluke.

**MINISTAR**

**dr.sc. Adil Osmanović**



**Dostaviti:**

1. *Sektor za fin.mat. poslove i unutrašnju podršku*
2. *Web stranica Ministarstva*
3. *Co Kabinet Ministra*
4. *Co Sektor za obrazovanje*
5. *-a/a*